

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Najava održavanja konferencije	1
Ustavni sud FBiH donio presudu u korist Općine Novi Travnik	1
Prijevremeni izbori za načelnika u Općini Novi Grad Sarajevo	2
Općina B. Petrovac raspisala međunarodni poziv za izgradnju kanalizacione mreže	2
LED rasvjeta uskoro na žepčanskim ulicama	2
Za izgradnju regionalne deponije zainteresovane još četiri općine	3
Potpisani ugovori za 15 ekoloških projekata	3
Načelnik Općine Doboj Jug posjetio bratsku Općinu Sindžan u Turskoj	4
Savez općina i gradova FBiH uvodi novu uslugu za općine	4
Općina Tešanj uspješno certificirana po standard ISO 14001:2004	5
Raspisan javni poziv za Program MED vrijednosti od 3,3 mil. Evra	5
Natječaj u inovacijama iz oblasti javnih nabavki	6
Najava obilježavanja dana općina za mjesec mart/ožujak	6-7

Bilten Saveza općina i gradova Federacije Bosne i Hercegovine

NAJAVA ODRŽAVANJA KONFERENCIJE NA TEMU "PROBLEMI U VEZI SA PRIMJENOM ZAKONA O ZAŠTITI I DOBROBITI ŽIVOTINJA SA ASPEKTA LOKALNIH ZAJEDNICA"

Savez općina i gradova Federacije Bosne i Hercegovine najavljuje da 14. marta/ožujka 2012. godine organizira Konferenciju na kojoj će biti obrađene slijedeće teme:

1. „Problemi u vezi sa primjenom Zakona o zaštiti i dobrobiti životinja sa aspekta lokalnih zajednica“ i
2. Predstavljanje programa „Evropa za građane“.



Education and Culture DG

‘Europe for Citizens’ Programme

Savez općina i gradova
Federacije Bosne i Hercegovine
Association of municipalities and cities of the FBiH

Napominjemo da se trenutno radi na izmjenama i dopunama Zakona o zaštiti i dobrobiti životinja, te je jako važno da se Savez očituje s obzirom na brojne probleme koji su se pojavili u praksi u vezi sa primjenom ovog Zakona.

Program „Evropa za građane“ kroz projekte otvara prostor za saradnju između lokalnih organa vlasti BiH i Evropske Unije, te je od velikog značaja za razvoj lokalnih samouprava u BiH.

USTAVNI SUD FBiH DONIO PRESUDU U KORIST OPĆINE NOVI TRAVNIK

Ustavni sud Federacije BiH donio je presudu kojom se utvrđuje da Odluka o komunalnoj naknadi Općine Novi Travnik nije u nesuglasnosti sa Ustavom Federacije BiH.


Ustavni sud je presudu donio odlučujući o zahtjevu premijera Federacije BiH za utvrđivanje ustavnosti Odluke o komunalnoj naknadi, koje je donijelo Općinsko vijeće Novi Travnik, a na osnovu javne rasprave koja je održana 13. decembra/prosinca 2011. godine.

Podnosilac zahtjeva (premijer Federacije BiH) u svom zahtjevu između ostalog je naveo da Općinsko vijeće Novi Travnik, prilikom donošenja osporene Odluke, u preambuli iste, nije navelo zakonski osnov za donošenje, kojim bi se regulisalo pitanje obaveze plaćanja komunalne naknade, obzirom da općinska vijeća mogu isključivo na osnovu određenih zakona donositi i odgovarajuće odluke. Osim toga, u osporenoj Odluci se različito tretiraju pravni subjekti, kao npr. vlasnici nadzemnih i podzemnih instalacija, u odnosu na ostale obaveznike plaćanja komunalne naknade, iz razloga što se za sve ostale obaveznike naknada utvrđuje u odnosu na zone zemljišta, odnosno namjenu objekta, a za vlasnike instalacija naknada se vrši po koeficijentu jedan, što zapravo znači da se sve instalacije nalaze u prvoj građevinskoj zoni, što dalje ukazuje da se naknada vlasnicima instalacija utvrđuje bez relevantnih, objektivnih i realnih kriterija, što direktno ima za posljedicu nejednakost pred zakonom.

Nakon provedene javne rasprave, koja je održana 13. decembra/prosinca 2011. godine, analiziranja svih iznesenih navoda i uvida u priloženu dokumentaciju u spisu, Ustavni sud Federacije utvrdio je da u skladu ustavnim i zakonskim odredbama (Zakona o pripadnosti javnih prihoda FBiH i Zakona o principima lokalne samouprave u FBiH), Općinsko vijeće Novi Travnik bilo ovlašteno da donese osporenu Odluku i da nije povrijeđeno pravo na jednakost lica pred zakonom, kao ni pravo na imovinu.

Presuda je objavljena u Službenim novinama Federacije Bosne i Hercegovine, broj 12/12 od 10.02.2012 godine.





Novi Grad Sarajevo



PRIJEVREMENI IZBORI ZA NAČELNIKA U OPĆINI NOVI GRAD SARAJEVO

SARAJEVO, 14. februar/veljača – Centralna izborna komisija (CIK) BiH utvrdila je danas prestanak mandata poslanicima Zastupničkog doma Parlamenta BiH Nikoli Špiriću, Zlatku Lagumdžiji i Bariši Čolaku, poslaniku u Zastupničkom domu Parlamenta Federacije BiH Muhamedu Ibrahimoviću i načelniku Općine Novi Grad Sarajevo Damiru Hadžiću, a nakon njihovog imenovanja na nespojive dužnosti u Vijeće ministara BiH.

Zamjenski mandati u Zastupničkom domu Parlamenta BiH dodjeljeni su Saši Bursaću, Anti Domazetu i Draganu Vrankiću, dok je zamjenski mandat u Zastupničkom domu Parlamenta Federacije BiH dodjeljen Mirsadu Novaliću.

Nakon što je utvrđen prestanak mandata Damiru Hadžiću, načelniku Općine Novi Grad Sarajevo, CIK BiH donio je odluku o održavanju prijevremenih izbora za načelnika u toj općini, koji će biti održani u nedjelju, 1. aprila/travnja. Općina Novi Grad Sarajevo dužna je osigurati sredstva za provođenje prijevremenih izbora u budžetu Općine u skladu sa Izbornim zakonom Bosne i Hercegovine, u roku od 15 dana od dana raspisivanja prijevremenih izbora.

Usvajeno je i Uputstvo o rokovima izbornih aktivnosti, prema kojem od sutra počinje teći rok za podnošenje prijave za ovjeru političkih stranaka i nezavisnih kandidata za učešće na izborima i traje do 17. februara/veljače, do 16.00 sati.

Odluka o raspisivanju izbora, kao i Uputstvo o rokovima izbornih aktivnosti, danas će biti dostupni javnosti na internet stranici CIK-a BiH, www.izbori.ba.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.chib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

OPĆINA BOSANSKI PETROVAC RASPISALA MEĐUNARODNI POZIV ZA IZGRADNJU KANALIZACIONE MREŽE U VRIJEDNOSTI OD 3 MIL. KM



Općinski načelnik Ermin Hajder potpisao je Odluku o pokretanju međunarodnog postupka javne nabavke za izbor ponuđača za nabavku radova i rekonstrukciju prve faze kanalizacione mreže u Bosanskom Petrovcu.

Vrijednost ovih radova je preko tri miliona KM, za što je općina već obezbjedila sredstva iz kredita Evropske investicione banke, nepovratnog granta IPA fonda i vlastita sredstva.

Do sada je obezbjeđeno preko 5 miliona KM, a u prvoj fazi će se raditi dio centralnog sistema i izgradnja istočnog dijela, koji do sada nije bio pokriven kanalizacionom mrežom. Prema procjeni gradska zona je do sada bila pokrivena sa 48% korisnika, a nakon završetka ove izgradnje taj procenat će iznositi 83%.

Pored navedene odluke načelnik Hajder je donio odluku i o postuku izbora nadzora nad radovima, te rješenja o imenovanju komisija za sprovođenje ovih nabavki.

LED RASVJETA USKORO NA ŽEPČANSKIM ULICAMA

ŽEPČE, 09. februar/veljača – U suradnji s Centrom za razvoj i podršku Tuzla a u sklopu MDG-F programa, općina Žepče krenula je u realizaciju još jednog bitnog projekta za poboljšanje životnog standarda stanovnika ovog grada, navodi se na web stranici Općine.

Naime, općinski načelnik Mato Zovko i direktorica Centra za razvoj i podršku Alenka Savić, potpisali su memorandum o zajedničkoj suradnji pri realizaciji projekta "Promocija energentske efikasnosti u općini Žepče putem aktivnosti optimiziranja sustava javne rasvjete".

Riječ je o zamjeni postojećih rasvjetnih tijela sa LED rasvjetnim tijelima u užem centru Žepča u ulicama Prva, Sarajevska, Stjepana Tomaševića, Stjepana Radića, Abdulveham Ilhamije, Kulina Bana i Anke Topić.

Realizaciju ovog projekta ukupne vrijednosti 75.000 KM financirat će MDG-F program kojeg implementira Centar za razvoj i podršku Tuzla i Općina Žepče u omjeru 50:50.

Ovo je vrlo značajan projekt za općinu Žepče, jer mnoge studije o isplativosti LED javne rasvjete govore kako je LED rasvjeta, u odnosu na onu konvencionalnu, štedljivija za čak 87%. Osim ekonomskog aspekta, zadovoljen je i onaj ekološki jer ulične svjetiljke koje koriste LED diode u sebi ne sadrže teške metale, te je vijek jedne LED svjetiljke i do pet puta duži u odnosu na klasičnu svjetiljku.

Općinski načelnik Mato Zovko najavio je da će se nakon provedenog javnog natječaja od strane Centra za razvoj i podršku, žalbenog roka i roka za odabir najpovoljnijeg ponuđača, s radovima na postavljanju nove LED javne rasvjete krenuti već na proljeće.

"Ovo je prvi korak, a ukoliko građani općine Žepče budu zadovoljni, zamijenit ćemo sva rasvjetna tijela na području naše općine sa novim, funkcionalnijim i štedljivijim LED svjetiljkama", ističe načelnik.



**LED
rasvjeta**



niska potrošnja,
ušteta energije
do 80%

Realizaciju ovog projekta
ukupne vrijednosti 75.000
KM financirat će MDG-F
program kojeg implementira
Centar za razvoj i podršku
Tuzla i Općina Žepče u
omjeru 50:50.

ZA IZGRADNJU REGIONALNE DEPONIJE ZAJINTERESOVANE JOŠ ČETIRI OPĆINE

TRAVNIK, 3. februar/veljača – Nakon što su četiri općine gornjovrbaske regije, Bugojno, Jajce, Donji Vakuf i Gornji Vakuf/Uskoplje, pokrenule zajednički projekat izgradnje regionalne deponije za odlaganje komunalnog otpada, koja bi se nalazila na mjestu nekadašnjeg kopa Rudnika uglja "Gračanica" u općini Gornji Vakuf/Uskoplje, interes za uključivanje u projekat pokazale su još tri općine Srednjobosanskog kantona.

Radi se o općinama iz lašvanske regije, Travniku, Vitezu i Novom Travniku, koje se, također, suočavaju sa problemom odlaganja otpada.


Načelnici ovih općina već su održali sastanak sa predstavnicima Kantonalnog ministarstva prostornog uređenja, obnove i povratka, na kojem su iznijeli svoje planove vezane za učešće u projektu izgradnje zajedničke deponije.

U planu je održavanje novog sastanka, uz učešće i predstavnika četiri općine gornjovrbaske regije, nakog čega će biti poznato više detalja.



POTPISANI UGOVORI ZA 15 EKOLOŠKIH PROJEKATA

U sjedištu Vlade Federacije BiH u Mostaru 1. februara/veljače je potpisano 15 ugovora za ekološke projekte koji se financiraju iz sredstava Fonda za zaštitu okoliša FBiH.



Radi se o infrastrukturnim projektima iz oblasti vodoopskrbe i kanalizacije, projektima zaštite vodotokova i znanstveno-istraživačkim projektima za općine Zapadnohercegovačkog i Hercegovačko-neretvanskog kantona.

Ovih 15 projekata dio je od ukupno 90 projekata koji se financiraju sredstvima Fonda za zaštitu okoliša FBiH za 2011. godinu, ukupne vrijednosti 12,8 milijuna maraka. Novac za financiranje ovih projekata dobiva se prikupljanjem naknada za zagađivače zraka, zatim iz vodnih naknada, te posebnih naknada koje se plaćaju pri registraciji motornih vozila. Po riječima direktora Fonda za zaštitu okoliša FBiH Safeta Harbinja, Fond je utemeljen prije dvije godine i pred njim je veliki posao.

"Sada ulazimo u proces sistemskog rješavanja zagađivača zraka, što predstavlja težak problem u Sarajevu, Zenici, Maglaju i Tuzli. Ova vlada želi sistemski pristupiti rješavanju ove oblasti koja utiče na zdravlje ljudi, a naravno to se odnosi i na ekonomiju jer zdravo stanovništvo znači i zdravu ekonomiju", kazao je Harbinja.


Jedan od potpisanih ugovora je i onaj za Projekt zaštite izvorišta rijeke Bune, za čiju je provedbu aplicirao Grad Mostar.

Po riječima mostarskog gradonačelnika Ljube Bešlića vrijednost projekta je 300.000 maraka. Gradonačelnik Bešlić dodao je kako se nada da će Fond značajno sudjelovati i u projektima izgradnje pročišćaća, i kolektora otpadnih voda u Mostaru.

Pored ovog projekta, potpisani su ugovori s Općinom Tomislavgrad za izgradnju kanalizacijskog sustava u toj općini, zatim ugovor s Općinom Čapljina za izgradnju kanalizacijskog sustava Dretelj, ugovor s Općinom Čitluk za izgradnju druge faze kanalizacijskog sustava ove općine, ugovor s Općinom Posušje za izgradnju vodovoda Vinjani - Vir, ugovor s općinom Prozor-Rama za sanaciju kanalizacijske mreže i izgradnju uređaja za prečišćavanje te ugovor s Općinom Stolac za izradu investiciono-tehničke dokumentacije dogradnje vodoopskrbnog sustava u Stocu.

Također, sredstva za realizaciju projekta biomonitoringa i mjera zaštite voda, flore i faune rijeka Lištica i Rad te projekta monitoringa otpadnih voda nastalih pretakanjem u proizvodnji vina dobio je Fakultet prirodno-matematičkih i odgojnih znanosti Sveučilišta u Mostaru, zatim Agromediterranski fakultet Univerziteta Džemal Bijedić za projekt zaštite voda sadnjom ambijentalnih vrsta na sjeveroistočnom dijelu općine Mostar, te Agronomski i Prehrambeno-tehnološki fakultet Sveučilišta u Mostaru za projekt kontrole utjecaja poljoprivrede na kvalitetu tla i podzemnih voda.

Poduzeće Mareco d.o.o. Neum potpisalo je ugovor o realizaciji Glavnog projekta za kolektore 3 i 4 s pripadajućim objektima u Neumu i njihovo uvezivanje u Regionalni kanalizacijski odvod - sustav Komarna-Neum-Mljetki kanal, zatim poduzeće Surtec Eurosaj d.o.o. Konjic za Projekt upravljanja riječnim slivovima Neretve i Trebišnjice, Udruženje za poduzetništvo i posao LINK Mostar za projekt zaštite izvorišta na području Poklečana te Javno poduzeće Komunalno Neum za projekt izgradnje zdenca Z3 Blace-Neum.



Gornji Vakuf-Uskoplje

Radi se o infrastrukturnim projektima iz oblasti vodoopskrbe i kanalizacije, projektima zaštite vodotokova i znanstveno-istraživačkim projektima za općine Zapadnohercegovačkog i Hercegovačko-neretvanskog kantona.





Grb Općine Doboj Jug

20.06.2011. Doboj Jug-sa
potpisivanja Protokola o
bratimljenju općinaKORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmeded.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu



CDMA

Capacity Development Municipal Associations
in Bosnia and Herzegovina

NAČELNIK OPĆINE DOBOJ JUG POSJETIO BRATSKU OPĆINU SINDŽAN U TURSKOJ

U trodnevnoj posjeti bratskoj općini Sindžan, jednoj od općina Ankare - glavnog grada Turske boravili su općinski načelnik Džavid Aličić i predsjednik Kluba Bosansko-Turskog prijateljstva mladih Admir Avdić. Oni su se sastali sa delegatima općine Sindžan i okruga gdje su razgovarali o nizu aktualnih tema...

Među institucijama koje su posjetili, pored Predsjedništva Vjerske Zajednice, veoma važno mjesto uzima i nevladina organizacija Junus Emre Vakuf...

Prijateljska i bratska Općina Sindžan čini sve da se za nju čuje i zna kroz posjete predstavnika nekih država sa sve četiri strane svijeta, bilo da su posjete njihovih predstavnika zvanične ili nezvanične. Doček naše delegacije je bio iznad očekivanja, jer se na ovaj način bratstvo i prijateljstvo još više učvršćuje i saradnja proširuje. Gosti iz Bosne su se sastali sa generalnim direktorom za Vjerska pitanja i Vanjske odnose, te sa predsjedništvom Vakufa Junus Emre i ministrom Vanjskih Turskih Rodbinskih Zajednica.

Na sastancima delegacija je razgovarala o donaciji knjiga te podršci pri realizaciji Kursa Turskog jezika i razmjeni učenika-studenata, a ista se u Bosnu vratila sa značajnom duhovnom podrškom.



SAVEZ OPĆINA I GRADOVA FEDERACIJE BIH UVODI NOVU USLUGU ZA OPĆINE

U skladu sa ciljevima implementacije projekta "Razvoj kapaciteta saveza općina i gradova u Bosni i Hercegovini", koji implementira Međunarodna kooperativna agencija asocijacije holandskih općina VNG-International, u saradnji sa Savezom općina i gradova Federacije Bosne i Hercegovine, finansiranog od strane Švedske međunarodne agencije za razvojnu saradnju Sida, uspostavlja se nova usluga pri Savezu općina i gradova FBiH.

Riječ je o edukacionim modulima (pružanje usluga edukacija), koji će biti ponuđeni članicama Saveza (općinama i gradovima) na komercijalnoj osnovi.

Izbor modula je izvršen prema iskazanoj potrebi općina i od značaja su za rad i razvoj jedinica lokalne samouprave, dok su eksperti – predavači za svaki od modula angažovani sa dostupnog tržišta eksperata.

Izrada edukacionih modula se odvija kroz dvije trodnevne sesije. Prva je održana u Zenici od 13. do 15. februara/veljače, dok će druga biti održana početkom marta/ožujka, nakon čega će biti organizovana studijska posjeta nekom od saveza iz regije, a u svrhu upoznavanja sa načinom organizovanja i vođenja edukacija za službenike u jedinicama lokalne samouprave.

Na sesiji u Zenici učestvovali su odabrani eksperti za pojedine oblasti i osoblje iz Saveza koji su zajednički, u grupama radili na metodologiji i izradi programa modula.

Riječ je o pet modula, dva iz pravne oblasti, zatim oblasti EU fondova, odnosa sa javnošću i oblasti interne revizije, po nazivima kako slijedi:

1. „Ko je vlasnik moje nekretnine!? – Od korisnika do vlasnika“ – Modul se odnosi na aktuelnu problematiku općinskih/gradskih administracija u upravljanju i raspolaganju gradskim građevinskim zemljištem



2. "Uticaj primjene Zakona o stvarnim pravima Federacije BiH na jedinice lokalne samouprave - više pravne sigurnosti???" - Osnovni cilj modula je ukazati na značaj i novine Zakona o stvarnim pravima Federacije BiH, te aspekte njegove primjene sa posebnim naglaskom na uticaj na jedinice lokalne samouprave. Posebni cilj je omogućiti sticanje novih znanja polaznika seminara u pogledu bitnih stvarnopravnih instituta s aspekta novog Zakona o stvarnim pravima FBiH čije usvajanje se očekuje u narednih par mjeseci.

Savez / Zajedno za uređenu i razvijenu lokalnu samoupravu

3. „Napiši projekat!“ – Modul se odnosi na PCM (Upravljanje projektnim ciklusom) – radionica

4. „Zadaci PR-a u informisanju“ – Modul ima za cilj da pruži praktičnu edukaciju službenika za odnose sa javnošću u jedinicama lokalne samouprave sa mnoštvom vježbi i radionica uz minimalnu zastupljenost teoretskog izlaganja

5. „Interna revizija u jedinicama lokalne samouprave“ – Modul se odnosi na implementaciju Zakona o internoj reviziji u javnom sektoru FBiH, a u skladu sa akcionim planom Saveza za 2011-2012.



Nakon što se izrade programi modula, sa potrebnim pisanim materijalom u vidu priručnika ili brošura, sa oglednim primjercima dokumenata, Savez će iste ponuditi svojim članicama, što se očekuje krajem proljeća ove godine.

OPĆINA TEŠANJ USPJEŠNO CERTIFICIRANA PO STANDARDU ISO 14001:2004

TEŠANJ, 9. februar/veljača – Općina Tešanj uspješno je certificirana po standardu ISO 14001:2004, čime će Općina Tešanj, kako se navodi na općinskoj web stranici, dodatno ojačati svoju stalnu brigu za okoliš. Certifikaciju je obavila Certifikacijska kuća Bureau Veritas.

ISO 14001

BUREAU VERITAS
Certification



RASPISAN JAVNI POZIV ZA PROGRAM MED VRIJEDNOSTI OD 3.3 MIL. EURA

Upravljačko tijelo Europskog fonda za regionalni razvoj (ERDF) programa transnacionalne suradnje MED i Ministarstvo regionalnoga razvoja i fondova Europske unije (MRRFEU) raspisali su javni poziv za dostavu projektnih prijedloga iz područja inovacija i zaštite okoliša.

Sredstva su dostupna za projekte koji se moraju fokusirati na jačanje inovacijskih kapaciteta i to u cilju promocije inovacijskih tehnologija i prijenosa znanja kao i promocije strateške suradnje između kompanija i javnih tijela. Što se tiče zaštite okoliša projekti moraju biti orijentirani na promociju obnovljivih izvora energije i poboljšanje energetske efikasnosti.


Predviđeni proračun za ovaj poziv za IPA partnere je 3,3 milijuna eura, a rok za predaju prijava je 12. travnja/april 2012. godine.

Sredstva su dostupna za 13 država Mediterana, između ostalog i BiH. Glavni cilj programa je poboljšanje konkurentnosti područja Mediterana, s namjerom da se promovira rast i mogućnosti za zapošljavanje, ojača teritorijalna kohezija i zaštita okoliša u pogledu održivog rasta.

Što se tiče projekata iz BiH, za sada je preko programa MED, odobren projekt "Mediterranski eko industrijski razvoj" (MEID), u kojem sa partnerima sudjeluje i Biznis servis centar Vlade Zeničko dobojskog kantona.

Oni su već početkom prošle godine pokrenuli su aktivnosti na identifikaciji prioriteta za osnivanje eko industrijske zone. Iz Biznis servis nam kažu da proces kreiranja modela za uspostavljanje održive industrijske zone privode kraju. Krajem prošlog mjeseca su bili i domaćini sastanaka u Zenici na kojem su bili pristuni svi njihovi transnacionalni partneri i gdje se razgovaralo o toj temi. Budući da se radi o dugoročnom projektu u trajanju od 36 mjeseci, prvih godinu i pol dana su obično period pripreme projektnih aktivnosti, a realizacija pilot projekta obično počinje u drugoj i u trećoj godini.

Više informacija potražite na web stranici programa: <http://www.programmemed.eu>



Predviđeni proračun za ovaj poziv za IPA partnere je 3,3 milijuna eura, a rok za predaju prijava je 12. travnja/april 2012. godine.



Programme funded by the
EUROPEAN UNION

giz

World Bank
InstituteKORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

autori pet priča slučaja biće pozvani da predstave svoj rad na Međunarodnoj konferenciji o ugovaranju (International Open Contracting Conference) koju zajednički organiziraju WBI i GIZ, a koja će se održati početkom juna/lipnja 2012.



Hadžići



Doboj Istok

NATJEČAJ U INOVACIJAMA IZ OBLASTI JAVNIH NABAVKI

Ukoliko imate inovativan pristup procesu koji povećava učinkovitost javnih nabavki učestvujte u natječaju u inovacijama iz oblasti javnih nabavki ([Procurement Innovation Challenge](#)).

Vaš primjer (priča slučaja) možete poslati putem online obrasca do 31. marta/ožujka 2012. Priča slučaja treba biti usredotočena na ono što ste radili i na iskustva stečena iz napora da se prevladaju izazovi koje donosi reforma procesa javnih nabavki.

Samo iskustva koja se odnose na barem jedan od četiri prioriteta tematska područja će se razmatrati:

- Korištenje ICT u poboljšanju sistema javnih nabavki
- Reforma javnih nabavki u krhkim i sukobom pogođenim zemljama i malim državama
- Upravljanje sistemom javnih nabavki za poboljšanje realizacije
- Nadziranje u svrhu poboljšala otvorenosti, odgovornosti i učinkovitosti javnih ugovora

Nagrade uključuju:

-Top pet finalista: autori pet priča slučaja biće pozvani da predstave svoj rad na Međunarodnoj konferenciji o ugovaranju (International Open Contracting Conference) koju zajednički organiziraju WBI i GIZ, a koja će se održati početkom juna/lipnja 2012.

-Nagrada iz inovacija: sudjelovanje u UNDP edukaciji iz javnih nabavki po vlastitom izboru.

-Early Entry nagrada: autori koji svoje priče slučaja pošalju do 1. marta/ožujka 2012 imaju priliku osvojiti jednogodišnju pretplatu na elektronski časopis Journal of Public Procurement i objaviti ih u žurnalu. Vaša priča također može biti uvrštena i prikazana na Forumu finansijskog upravljanja i nabavki koji će se održati u maju/svibnju 2012.



Posebna pažnja posvetit će se onim iskustvima koja uključuju prioritete elemente kao što su mješovite ciljne grupe i razvoj kapaciteta različitih ulaznih informacija i poboljšanje isporuke usluga za građane u sektorima kao što su zdravlje, infrastruktura, šumarstvo, vode i obrazovanje.

Za više informacija o ispunjavanju uvjeta i kriterija posjetite: www.procurement-innovation.org | [@proactweet](#) | [#iPROC](#)

Natječaj u inovacijama iz oblasti javnih nabavki je inicijativa [World Bank Institute \(WBI\)](#) u partnerstvu sa [UN Procurement Capacity Development Centre \(UNPCDC\)](#), [Deutsche Gesellschaft für Internationale Zusammenarbeit \(GIZ\)](#) uz podršku [German Federal Ministry of Economic Cooperation and Development](#), [Public Procurement Research Group of the University of Nottingham](#) i [Making Integrity Work \(Tiri\)](#).


NAJAVA OBILJEŽAVANJA DANA OPĆINA ZA MJESEC MART/OŽUJAK

- 06. mart/ožujak - Dan Općine Hadžići. Taj dan se obilježava kao znak sjećanja na 6. mart 1996. godine, kada je izvršena reintegracija dijelova općine Hadžići koji su bili okupirani tokom agresije na Bosnu i Hercegovinu. Hadžići, Binježev, Žunovnica, Grivići i Drozgozmetva su naselja koja su 6. marta 1996. godine predana legalnim vlastima Općine Hadžići.

- 10. mart/ožujak - Dan Općine Doboj Istok. Tog dana 1998. godine Parlament Federacije BiH donio je odluku o osnivanju općine Doboj Istok.

- 10. mart/ožujak - Dan Općine Teočak. Ovaj datum je izabran jer je na taj dan 1998. godine stupio na snagu Zakon o konstituisanju novih općina u FBiH.

- 12. mart/ožujak - Dan Općine Ilidža. Naime, 12. marta 1996. godine, provodeći odredbe Dejtonskog mirovnog sporazuma, realizirana je mirna reintegracija područja općine Ilidža.



Teočak



Ilidža



Savez / Zajedno za uređenu i razvijenu lokalnu samoupravu

Savez općina i gradova Federacije
Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

NAJAVA OBILJEŽAVANJA DANA OPĆINA ZA MJESEC MART/OŽUJAK

- **15. mart/ožujak - Dan Općine Dobretići.** Naime, na taj datum Parlament Federacije BiH formirao je Općinu Dobretići.

- **18. mart/ožujak - Dan Općine Fojnica.** Ovaj datum je uzet za obilježavanje Dana Općine jer se u dokumentima dubrovačkih trgovaca na taj dan 1365. godine prvi put spominje grad Fojnica.

- **18. mart/ožujak - Dan Općine Sapna.** Ovaj dan je uzet za obilježavanje Dana Općine zato što je tog dana 1998. godine održana prva sjednica Općinskog vijeća novoformirane Općine Sapna.

- **19. mart/ožujak - Dan Općine Foča-Ustikolina.**

- **20. mart/ožujak - Dan Općine Zenica.** Na taj dan 1436. godine Zenica je prvi put spomenuta u dokumentu kojim se dubrovačkim trgovcima omogućava slobodno kretanje i poslovanje na području Bosne.

- **21. mart/ožujak - Dan Općine Doboju Jug.**


- **21. mart/ožujak - Dan Općine Travnik.**



Travnik



Doboju Jug



Zenica



Dobretići



Fojnica



Sapna



Foča Ustikolina

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.